

entièrement, il faut que vous les acheuïés par vos guerres, & par vos surprifes; quand ils feront tout à fait détruits, nous irons demeurer avec vous en vostre païs. Nos confederés nous aians donné aduis de tout cecy, nous vous sommes venus dresser des embufches, nous auons reconnu Echon, nous l'auons vifité pendant la nuict, il nous a fait des prefens, nous l'auons laiffé paffer, il nous a auerty des canots qui le fuiuoient; & voila comment vous estes tombés entre nos mains, difoient les Hiroquois à ce prifonnier, au rapport de ces calomniateurs, qui controuuoient ces impostures, pour nous perdre. Sainct Paul a bien raifon de dire, que, *Si in hac vita tantum in Christo sperantes* [180] *sumus, miserabiliores sumus omnibus hominibus*: Si nous n'attendons rien en l'autre vie, nous sommes plus miserables que le reste des hommes: Car ceux pour qui nous donnons nos vies dans des trauaux immenfes, nous procurent la mort par des voyes les plus iniques du monde.

Auant que de conclure ce chapitre il faut que ie remarque vn traict de generofité de nos Chrestiens de Sainct Ioseph, pendant le fejour qu'ils ont fait aux Trois Riuieres; leur Capitaine aiant dit en pleine affemblée, qu'il estoit François, puis qu'il auoit embrassé leur creance: Vn certain Infidele, homme impudent, luy voulut faire vn affront, & à tous ses gens; se promenant à l'entour de sa cabane, luy cria tout haut: Va-t'en donc, François, va-t'en, à la bonne heure, en ton païs, embarque toy dans les Nauires, puis que tu es François, paffe la mer, & t'en va en ta patrie, il y a trop long-témps que tu nous fais icy mourir. Ce Capitaine me vint trouuer tout fur l'heure, fans rien repartir: Mon cœur veut estre meschant,